



Mir hän no Würscht vom Donschtig-Jass!

**Nüt z Dringge uf em Tisch und au nüt z Ässe,
e Servier-Düse uf em Jass-Gländ chasch grad vergässe,
a däm Donschtig hän mir uns drum entschiede,
au so schlank und rank wie de „Salzi“ z bliebe.**

**D Beatrice Egli schtrahlt, lacht und singt,
alli luege wie wit de Benni Huggel de Lukas ufebringt,
De Beat Janz jasst, als würd är's zum erschte mol mache,
und über de Service am Fescht do cha me nume lache.**

**Für dä Donschtig-Jass hets vieli, vieli Hälfer brucht,
via WhatsApp und im BiBo het me si uf die schnälli gsuecht,
dä „Zytlupe-Service“ aber het gschtunke und zwar ganz gewaltig,
si schlofe au s Joor dure scho gnueg in unsere Gmeindsverwaltung.**

**Dr Seppi lauft mit sim Hund am Marbach entlang,
är cha drum nit schloofe, wäg däm lute Gsang,
und während är so lauft und schlurft,
findet si Hund am Bode e Würscht,
är frisst si girig und scho isch si dunde,
de Janz mäint nume: “uf die warti scho sit Schtunde!”**

**Mit 98 Joor im Oberwiler-Jassteam derbi,
das het de Zwahlen Hans doch welle si,
und zwüschedure denn e Würscht go ässe,
doch das chasch a däm Summer-Obe grad vergässe,
will bim Ässe sueche und umelungere,
chasch bim Donschtig-Jass ganz schnäll verhungere.**

**Am Donschtig-Jass hän mir d'Spezi nume Hunger und Durscht,
und uns gnärft wäge däm schlächte Service und de fählende Würscht,
trotzdäm schtobt unser Motto no us guetem Grund,
denn mir mache jo Fasnacht egal was chunt,
ob du e Würscht gha hesch oder nit isch einerläi,
denn: “alles het e Ändi nur d Würscht het Zwäi“.**

www.dspezi.ch

d`Spezi Giftschnägge 2000